

Sveus Gambrinij filius, & Manni nepos, Germanorū Rex, apud Tuifcones regnavit tempore Balei, vndecimi regis Baby Ioniorum. Hic amplissimā Sueuorum gentem ac regnum condidit, & de suo nomine cognominavit. Sueuos autem Hermionum populū fuisse tradit Plinius, sicut & Hermū n̄ duros, Cattos & Cheruscōs. Sedes verò non easdem quas hodie tenuisse eos, omnes testantur Chronographi ac Historiographi. Intra hos ferè terminos olim fuere conclusi: Ab Oriente Carpathus mons; à Meridiè Hercyniū nemus, quod Bohemicum nunc appellatur; ab Occidente Rhenus; ab Aquilone Sueuicum mare, seu Balthicum, ipsorum limites fuere. Hæc gens nūc in sedes angustiores, vtrum ab alijs compulsā, an sponte sua delatā, incertum est. In Rhetiam enim populariter cōmigrarunt quo loco iam aliquot seculis hæserunt, abolitoque veteri Rhetorum nomine. Rhetiam à se nouis cultoribus Sueuiam dixere. Atque hi sunt qui latè per Germaniam imperitabant, maximam eius possidentes partem: nam & in Sarmatiam ac Pannoniam colonias deduxerunt; illic enim antiquæ fuerunt Sueuorum sedes, deinde Rhetias occupauere, quas etiamnum tenent, ij (inquam) in quinquaginta quatuor populos ab Orofio distinguuntur, à Tacito autem istæ nominantur gentes, Semnones, Longobardi, Reudigni, Auiones, Angili, Varini, Endoses, Suardones, Nuithones, Hermunduri, Narisci, Marcomanni, Quadi, Marsigni, Gothini, Osi, Buriij, Lygij, Arij, Heluecones, Manimi, Elysiij, Naharuali, Gothones, Rugij, Lemouij, Suiones, Aesti & Sitones, qui in commune vno nomine Sueui nominabantur. Hodierna autem Sueuia cuius h̄c typus exhibetur, in plurimas quoque separata est regiones & tractus suis nominibus distinctos; ita vt nullus hodie in tota Germania princeps reperiatur qui se Sueuiæ Dominum dicere possit, cum inter plures sit principes diuisa; vna enim pars hereditario iure ad domum Aultriacam spectat; maximam sibi eius partem vendicat VVirtebergensis Dux: multæ ei insunt vrbes liberæ & Imperiales: & haud pauca in ea ciuitates Bauariæ ducibus subiectæ sunt: reliqua pars vel Palatinis vel Badenſi principibus, aut Constantiensi & Augustensi Episcopis, & Comitibus, Baronibus atque nobilibus paret. Gens est populosa, fortis, audax & bellicosa, procerō corpore, venusta facie & decora, ingenio singulari prædita, præstantissima Germanorum à Plutracho dicta, cuius gloria eo vsque creuisse memoratur, vt virtute & armis Imperium Orbis meruerit; illudque vltra vnius seculi spacium magnificentissimè tenuerit. Suis olim Regibus paruit ac ducibus, quibus in Chunradino vltimo Sueuorum principe extinctis, collapsum est regnum, & in plures dynastias diuulsum. Ex hac gente prodijt celeberrimus ille Albertus cognomine Magnus Bolstadius Episcopus Ratisbonensis, equeſtri ordine natus Lauingæ, anno sal. 1223. summo ingenio, summa præditus eruditione, Philosophiæ ac Theologiæ doctor maximus, Professor Academiæ Parisiensis & Coloniensis, solertis. naturæ speculator, rerumque obscurarum indagator atque explicator planè admirabilis: Præsul tandem & Episcopus creatus Ratisbonensis, qui sua ætate omnes ingenio, doctrina, eloquentia superauit: literis denique ac studijs immortalis Coloniæ Agrippinæ, vtroque abdicatō Episcopatu ad otium literarium rursus extrema senectute concesserat, obiitque ætatis anno 87. Priuati Sueuorum nulla alia re, nulloque artificio magis occupantur, quam lini lanæque operatione: cui adeo incumbunt, vt in quibusdam locis nedum mulieres & puellæ, sed adolescentes & viri hyemis tempore colo admoueantur. Panni genus fa-

ciunt



Des H. Römisch
en Reichs Schwäb-
schen Kraihs, mit
sammt seinen vñ
indigende Lande vñ
Herrschaften wahr-
tze Beschreibung.

SVEVIAE
vtriusque cum Germani-
ca tum Rhetica celebra-
tissimis vrbibus, vicis, arcibus
et castellis re-
fertur. Marciano
tamque memorum ty-
pus chorographicus,
veram omnium loci-
tuum distantia continet.

Der mehrertheil anson
Tuchs litten in alden
mit erstreckt sich
200 Stund an den
anderen Des Kraihs
den wird für juchon
der gwarter Kraihs
der mit 200 Stund
an allen andern ist.

Als vier tausend die zal war
Der hundert fünf und achtzig jar
Keyser Maximilian vermehrt,
Von Würtemberg Graf Eberhart
Zu einem Herzog hat gemacht,
Und mit Fürstlichen stände beudet.

SVEVVS
Gombrang filius. Hunc
nepos Germanorum Rex
maximilianus Suevorum gen-
tem et regnum condidit et de his
nuncie commemorat. Chaucidus li-
beris et imperialis vocat pars ha-
bitus subiacet. Anno est pauli fuerit,
memoria, dicit tamen peccata. Pri-
vati nulla alia re nullis artificio me-
ris occupantur, quia iam lenis est
ratione, et in pulchris locis et melle-
feris et viti colitur amantur. et
compositi sunt, quod iunctis saltem
quodam verum est, non
quem Parthos et Gallos in
coler vocat, centum nullis
parari, qui inde tras
victuri sunt.

AD III. PRINC. IUDOVICVM
DVCEM WIRTENBERGEN-
SEM MVM. PRIN. SVEVIAE.



Arthur Daut
Secretarius Aulicus
et eius Vice.

Cornelius Jansen
Cancellarius Aulicus
Anno 1552

ciunt: cuius tela linea est, intertextum bombycinum *Barchet* illud vocantes, faciunt & totum lineum quod *Golsch* appellant. Comperit enim est apud *Vlmenes* solum quotannis vtriusq; generis pannorū parari centum millia, ex quo conijcere quisq; potest quā incomprehensibilis incredibilisq; summa in tota regione elaboretur ad remotissimas autem nationes isti panni transfuehuntur. Tota porro hæc prouincia salubriaere gaudens, celebratissimis vrbibus, vicis & castellis referta; arces excelsæ, natura & arte munitæ, templa, collegia monasteriaq; plurima ac pulcherrima. Terra ipsa partim plana, partim mōtosa, ager fertilis, cuius nulla pars inculta facet, præterquā aut lacus, aut montes vel syluæ occupant: fructuum, leguminum, frumentorumque abundantia, pecorum magna vis, prata pascuaque lætissima, vitiferi montes: conualles in ea plurimæ, per quas perennes riui, amnes, fontesque lymphidissimi è montium iugis defluentes, iucando murmure strepentes, vberem largiuntur piscationem, qui se vniuersi in Rhenum & Danubium nominatissimos fluuios exonerant. Danubij autem & Nicri fluuiorum hæc terra parens est. Illud autem maximè in Sueuis mirandum, quod cum reliquis, quæ esui sunt, obsonijs vescantur, à nucibus tamen abstinant. Sueviæ montana sunt Alpes quæ longo tractu Danubium sequuntur, nomina sua crebrò mutantes. Nemora syluæque in ea multæ, & ob id genti venatio frequens, & aucupium peculiare. Lacus celeberrimi sunt, *Bodanicus* siue *Brigantinus*, *Tigurinus* & superior lacus, item *Federsee* lacus. *Mingrarum* est ditissima thermisq; saluberrimis pluribus locis à natura donata est hæc tellus.

